



Na osnovu Člana 38. Statuta Biciklističkog saveza Bosne i Hercegovine sačinjava se

ZAPISNIK

SA REDOVNE GODIŠNJE SKUPŠTINE BICIKLISTIČKOG SAVEZA BOSNE I HERCEGOVINE

ODRŽANA U SUBOTU 29.01.2022. GODINE U VLASENICI
U AMFITEATRU ŠUMARSKOG FAKULTETA SA POČETKOM U 11:00 SATI.

Prije početka sjednice Skupštine, u 11.00 časova održan je svečani dio dodjele nagrada za takmičare i klubove za sezonu 2021. Tom prilikom obratili su se predsjednik Skupštine Senad Bećković i predsjednik Saveza Toni Zorić kao i predstavnici grada domaćina, načelnik opštine Vlasenica Mićo Kraljević i predsjednik biciklističkog kluba KPL Vlasenica Željko Lukić. Dodjela nagrada je završena u 12.00 časova.

U 12:00 časova je započela sjednica redovne godišnje skupštine registracijom delegata koji su svojim potpisom potvrdili učešće i to: BK Summit Banja Luka Goran Guska, BK Mostar Toni Zorić, BK Zmaj od Bosne Hajrudin Trle, BK BSK Banja Luka Vladimir Kuvalja, BK Leotar Dejan Čučković, BK Pedala Adnan Derlić, BK Ljubuški Josip Ramljak, BK Foris Istočno Sarajevo Davor Damjanović, Udruženje brdskih biciklista MTBA Emir Vučijak, BK Trek Team Sarajevo Senad Bećković, BK KPL Vlasenica Željko Lukić, BK Hercegovac, BK Rotacija Spin Vedad Karić, BK Daj Krug Bihać Adnan Mekić, BK Jedinstvo Tuzla Žigić Albedin, BK Široki Toni Odak, BK Brotnjo Čitluk Ivan Miličević, BK Tuzla i BK BN Cycling Jović Dragiša. Ukupno je registrovano 19 delegata a sjednici je prisustvovao predstavnik Biciklističkog saveza Republike Srpske Tihomir Kuvalja.

Predsjednik Skupštine Senad Bećković je otvorio zasjedanje pozdravnim govorom i prijedlogom dnevnog reda sjednice :

1. Usvajanje zapisnika sa predhodne Skupštine,
2. Izvještaj o radu Saveza za 2021. god – podnosi Toni Zorić, predsjednik





3. Izvještaj komisije za cestovni/drumski biciklizam – podnosi Hajrudin Trle, selektor
4. Izvještaj komisije za MTB/brdski biciklizam – podnosi Adnan Mekić, selektor
5. Izvještaj sudijske organizacije – podnosi Mirnas Mujezinović, predsj. sudijske organizacije
6. Razriješenje člana/izbor člana Upravnog odbora,
7. Finansijski izvještaj – podnosi Goran Guska, generalni sekretar,
8. Izbor direktora reprezentacije,
9. Plan aktivnosti za 2022. godinu,
 - Kalendar takmičenja ,
 - Organizacija Državnih prvenstava, trka Premijer lige,
 - Određivanje kategorija za Premijer ligu i državna prvenstva,
10. Ostalo.

Za zapisničara je određen Goran Guska, Generalni sekretar BSBiH.

Predsjednik Skupštine je otvorio **1. tačku** dnevnog reda koja se odnosila na usvajanje zapisnika sa prethodne sjednice Skupštine a nakon što je predsjednik Skupštine stavio na glasanje, zapisnik je usvojen jednoglasno.

Predsjednik Skupštine je otvorio **2. tačku** dnevnog reda koja se odnosila na izvještaj o radu Saveza za 2021. godine a koji je podnio predsjednik Saveza Toni Zorić. Nakon podnošenja izvještaja nije bilo diskusije pa je predsjednik Skupštine Izvještaj stavio na glasanje za usvajanje. Izvještaj je usvojen jednoglasno.

Dalje, predsjednik Skupštine otvorio je **3. tačku** dnevnog reda koja se odnosila na izvještaj komisije za cestovni/drumski biciklizam a koji je podnio selektor Hajrudin Trle. Izvještaj se odnosio na analizu trka u kojima je učestvovala reprezentacija BiH sa osvrtom na rezultate koje su ocijenjeni dobrim a selektor je stavio primjedbu da je izostala finansijska podrška Saveza prema reprezentaciji te da jedna od trka nije finansijski podržana (Trka kroz Srbiju).





BICIKL ISTIČKI SAVEZ BOSNE I HERCEGOVINE
БИЦИКЛИСТИЧКИ САВЕЗ БОСНЕ И ХЕРЦЕГОВИНЕ

BOSNIA AND HERZEGOVINA CYCLING FEDERATION

Za riječ se javio Mirsad Jusić koji je predložio da se refundiraju troškovi za odveženu trku.

Nakon diskusije, predsjednik Skupštine Izvještaj je stavio na glasanje za usvajanje a usvojen je sa 18 glasova ZA i jednim suzdržanim glasom (Albedin Žigić).

Predsjednik Skupštine je otvorio **4. tačku** dnevnog reda koja se odnosila na izvještaj komisije za brdski biciklizam a koji je podnio selektor Adnan Mekić. Nakon podnošenja izvještaja nije bilo diskusije pa je predsjednik Skupštine Izvještaj stavio na glasanje za usvajanje. Izvještaj je usvojen jednoglasno.

Tačka 5. koju je otvorio predsjednik Skupštine, odnosila se na izvještaj Sudijske organizacije a isti je podnio Mirnas Mujezinović.

Nakon podnošenja izvještaja, za riječ se javio Hajrudin Trle koji je stavio primjedbu na bodovanje u protekloj sezoni tražeći da se trke ne budu sa pola bodova već sa punim, predviđenim, brojem bodova argumentujući da je premalo trka koje se voze u sezoni. Predložio je da se organizuje više trka u sezoni.

Za riječ se javio i Dragiša Jović dajući podršku Sudijskoj organizaciji, da se sudije za svoje greške kažnjavaju što će doprinijeti kvalitetnijem suđenju, a potaknut navodima iz Izvještaja u kojem se pominje kazna za dvoje sudija BSBiH u protekloj sezoni zbog propusta u suđenju.

Blaženka Kustura se javila za riječ stavljajući primjedbu kod dodjele nagrada u smislu rodne ravnopravnosti, smatrajući da nagrade za pobjedike i pobjednice treba da budu jednakе za sve takmičare bez obzira na rodnu pripadnost.

Sa navedenim se nije složio Hajrudin Trle, argumentujući da takmičarki ima vrlo malo, da u tom slučaju svaka dobija nagradu, dok je osvajanje nagrade u muškoj konkurenciji puno teže zbog većeg broja takmičara.

Predsjednik Skupštine Izvještaj je stavio na glasanje za usvajanje. Izvještaj je usvojen sa 18 glasova ZA i jednim suzdržanim glasom (Hajrudin Trle).





Tačka 6. se odnosila na razrješenje člana Upravnog odbora BSBiH Guska Gorana koji je odlukom UO broj 103-01/21BSBiH od dana 13.03.2021. godine imenovan na funkciju Generalnog sekretara BSBiH. Predsjednik Saveza je predložio za novog člana UO Željka Lukića iz Vlasenice.

Nakon prijedloga otvorena je diskusija u kojoj je Harudin Trle stavio primjedbu na podjelu funkcija u Upravnom odboru uvažavajući etnički princip podjele 3 plus 3 plus 3 (predstavnici iz reda srpskog, hrvatskog i bošnjačkog naroda).

Zatim se otvorila diskusija oko imenovanja Direktora reprezentacije BiH u koju se uključio Vladimir Kuvalja smatrajući da je to neophodno riješiti, a od nekoliko delegata, bez uzimanja riječi, sam Kuvalja je predložen za tu funkciju.

Emir Vučijak je postavio pitanje može li jedna osoba obavljati dvije funkcije u Savezu.

Zatim se javio Mirasad Jusić smatrajući da dvije funkcije ne treba da obavlja jedana osoba. Takođe, kritikuje rad UO kako nije bio produktivan niti je donio posebne rezultate za poboljšanje stanja u Savezu.

Za riječ se javio Vladimir Kuvalja koji je bio suprotnog mišljenja argumentujući stav da jedan manji broj članova UO zaslužan za organizaciju dva Balkanska prvenstva u BiH, Svjetskog prvenstva u bicikлизму Granfondo te međunarodne trke Beograd Banja Luka u kojima su učešće uzeli reprezentativci BiH.

Nakon diskusije, predsjednik Skupštine je stavio na glasanje razrješenje Guska Gorana kao člana UO i imenovanje Željka Lukića za novog člana UO, a prijedlog je usvojen jednoglasno.

Predsjednik Skupštine je otvorio **7. tačku** dnevnog reda koja se odnosila na finansijski izvještaj za 2021.g. a koji je podnio Generalni sekretar Goran Guska. Nakon podnošenja izvještaja nije bilo diskusije pa je predsjednik Skupštine Izvještaj stavio na glasanje za usvajanje. Izvještaj je usvojen jednoglasno.





Predsjednik Skupštine je otvorio **8. tačku** dnevnog reda koja se odnosila na izbor Direktora reprezentacije BiH a na samom početku diskusije se javio Vladimir Kuvalja koji je rekao da neće obavljati ovu funkciju te da se predloži novi kandidat za Direktora. Obzirom da nije bilo prijedloga od strane delegata, predsjednik Saveza je predložio da Upravni odbor u roku od 30 dana izabere Direktora reprezentacije a predsjednik Skupštine je ovaj prijedlog stavio na glasanje koji je jednoglasno usvojen.

Tačka 9. se odnosila na Plan aktivnosti za 2022. godinu a riječ je uzeo predsjednik Saveza koji je naglasio da je plan u jednom dijelu iznio u tački broj 1. te naveo kako kalendar trka nije u potpunosti gotov, da se očekuje njegova objava na sajtu BSBiH u vrlo skorom periodu. I ova tačka je stavljena na glasanje i usvojena je jednoglasno.

Pod tačkom **ostalo** za riječ se javio Generalni sekretar koji je delegate upoznao sa zahjevima koje je podnijelo sedam biciklističih klubova za članstvo u Savezu i to :

1. BK Tajan Zavidović,
2. BK Izazov Gradiška,
3. BK Hercegovac Bileća,
4. BK X Factor Travnik,
5. BK Napredak Travnik,
6. BK Čapljina
7. ARK Jukastrenght Sarajevo





BICIKLISTIČKI SAVEZ BOSNE I HERCEGOVINE
БИЦИКЛИСТИЧКИ САВЕЗ БОСНЕ И ХЕРЦЕГОВИНЕ

BOSNIA AND HERZEGOVINA CYCLING FEDERATION

Ovaj prijedlog je od strane predsjednika Skupštine stavljen na glasanje i jednoglasno je usvojen.

Nakon toga, za riječ se javio Adnan Derlić u ime Nadzornog odbora BSBiH, stavljajući primjedbu da za narednu sjednicu Skupštine u tačke dnevnog reda bude uvršten i Izvještaj NO BSBiH. Naveo je da se izvještaj podudara sa finansijskim izvještajem za 2021. godinu i iznio primjedbu da je kasno dobio finansijski izvještaj. Dodao je i da Statut BSBiH ima manjkavosti u smislu nadležnosti Nadzornog i Upravnog odbora koje treba izmijeniti.

Na navedeno je reagovao predsjednik Saveza koji je konstatovao da Statut treba izmijeniti u narednom periodu.

Poslije ovih izlaganja, nije bilo diskusije pa je predsjednik Skupštine Senad Bečković zaključio sjednicu. Generalni sekretar je sačinio zapisnik koji će biti dostavljen svim klubovima i predstavnicima Biciklističkog Saveza Bosne i Hercegovine.

Broj: 17-02/22 BSBiH

Datum: 29.01.2022.

ZAPISNIČAR

Goran Guska



Biciklistički savez Bosne i Hercegovine, Adresa: Simeuna Đaka 9, 78000 Banja Luka, Bosna i Hercegovina
Telefon: 063/400-260; 065/511-630; Fax: 051/308-456; Mail: bisabih@blic.net;
JIB: 4403167440004; Žiro račun: 5620998119014275, www.bisabih.ba